

CHRISTOPHORI  
BESOLDI, JC. ET  
ANTECESSORIS

Tubingensis,

JURIDICO-POLITICAE  
Dissertationes,

DE JURE RERVM, (2) FAMILIARUM, (3) COLLEGIORUM, (4) ACADEMIARUM  
(5) ALIARUMQ; UNIVERSITATUM, (6) AC ITEM TERRITORIORUM.



ARGENTORATI

Impensis Heredum LAZARI ZETZNERI.

---

Anno M. DC. XLI.

# DISSERTATIONIS PRIMAE, DE JURE ET Divisione Rerum-

## CAPUT I.

*Summam & primam Divisionem Rerum  
proponit: ac de Rebus commu-  
nibus agit.*

**E**legantissimè Justus Lipsius centur. 2. ad Belgas, Epist. 39. scribit: Sicut lupini, per se amari, aquâ perfusi dulcescunt: sic teatrica ista Legum, à mixtione & temperie Historiarum, aliorumq; Scriptorum, qui ex sapientia & prudentia libris sua hauserunt, mitigantur. Idem hoc observare constitui, in Dissertatione hâc, quæ merè Juridica videtur, & ab aliis discussa jam abundè est. Spicilegia ergò tantum legam, & ex varia eruditione, scriptisque aliorum, quæ obiter collegi, adjungam. In ea firmiter hæxens opinione: satius esse, ex variis Prudentiæ Auctoribus, optima quæque congerere; quæm propriæ industriæ viribus excogitata, periculosè proferre. Ware mundus ab Ehrenberg, lib. 1. de fæderib. cap. 1. num. 186.

II. Rei Verbum generale: l. 1. ff. si cert. petat. l. 1. & 2. ff. de verbis. significat. seu, ut Philosophi loquuntur, terminus transcendens est: hoc est, cætera omnia excedens & superans significata. Ad universa etenim accommodatur, non solum quæ tangi, viderique possunt; sed etiam quæ oculo, intellectuque concipiuntur. Indeque Ausonius in Eidyll,

*Imperium, litem, Venerem, cur una notat res?*

Rei autem verbum, utcunque generale sit, pro subjecta tamen materia coangustatur, l. si in rem. ff. de rei vindicat. ut nempè eas potissimum res tantummodo comprehendat, de quibus solent inter homines controversiae nasci. §. 1. & tot. tit. Instit. de rer. divis. Sicque rerum, prout eas considerat Ictus, summa divisio in duos Atticulos, seu ut nunc loquimur, in duas species deduci potest: quod aliæ Divini, aliæ sunt humani juris. l. 1. ff. de rer. divis. Rerum quidem summam Divisionem Vulteius instit. de ver. divis. num. 5. & lib. 1. de feud. cap. 1. num. 1. alii que, illam esse dicunt: quod res aliæ corporales, aliæ incorporales existant; corporales autem, vel mobiles, vel immobiles inveniantur: hancque primam esse astant; quod substantiam rerum concernat; hæc nostra dominium & possessio nem: quæ substantiæ sunt posteriora. Sed rectè nihilominus Gajus Ictus in d. l. 1.